


2025/12/25 NATIONAL CENTRAL LIBRARY, ROC





NATIONAL CENTRAL LIBRARY, TAIWAN, R.O.C.



史記列傳陸賈者楚人也以客從高祖定天下名爲有
口辯士居左右常使諸侯及高祖時中國初定尉他平
南越因王之高祖使陸賈賜尉他爲南越王陸生卒拜
尉他爲越王令稱臣奉漢約歸報高祖大悅拜賈爲大
中大夫陸生時時說稱詩書高祖罵之曰適公居馬
上而得之安事詩書陸生曰居馬上得之寧可以馬上
治之乎且湯武逆取而以順守之文武並用長久之術
也昔者吳王夫差智伯極武而亡秦任刑法不變卒滅
趙氏鄉使秦已并天下行仁義法先聖陛下安得而有
之高帝不擇而有慙色適謂陸生曰試爲我著秦所以



NATIONAL CENTRAL LIBRARY, TAIWAN, R.O.C.



矣天下吾所以得之者何及古成敗之國陸生麴粗述
存亡之徵凡著十二篇每奏一篇高帝未嘗不稱善左
右呼萬歲號其書曰新語

陸子

道基第一

漢中大夫陸賈撰

儒家四

傳曰天生萬物以地養之聖人成之功德參合而道術
生焉故曰張日月列星辰序四時調陰陽布氣治性次
置五行春生夏長秋收冬藏陽成雷電陰成雪霜養育
群生一茂一亡潤之以風雨曝之以日光溫之以節氣
降之以殞霜位之以衆星制之以斗衡苞之以六合羅
之以紀綱政之以災變告之以禎祥動之以生殺悟之
以文章故在天者可見在地者可量在物者可紀在人



矣天下吾所以得之者何及古成敗之國陸生麀粗述
存亡之徵凡著十二篇每奏一篇高帝未嘗不稱善左
右呼萬歲號其書曰新語

陸子

道基第一

漢中大夫陸賈撰

儒家四

傳曰天生萬物以地養之聖人成之功德參合而道術
生焉故曰張日月列星辰序四時調陰陽布氣治性次
置五行春生夏長秋收冬藏陽成雷電陰成雪霜養育
群生一茂一亡潤之以風雨曝之以日光溫之以節氣
降之以殞霜位之以衆星制之以斗衡苞之以六合羅
之以紀綱政之以災變告之以禎祥動之以生殺悟之
以文章故在天者可見在地者可量在物者可紀在人



者可相放地封五嶽畫四瀆規濬澤通水泉樹物養類
苞殖萬根恭形養精以立群生不違天時不奪物性不
藏其情不匿其詐故知天者仰觀天文知地者俯察地
理豈行喘息蚰飛蠕動之類水生陸行根著葉長之屬
為寧其心而安其性蓋天地相承氣感相應而成者也
於是先聖乃仰觀天文俯察地理圖書乾坤以定人道
民始開悟知有父子之親君臣之義夫婦之別長幼之
序於是百官立王道乃生民人食肉飲血衣皮毛至於
神農以為行蟲走獸難以養民乃求可食之物嘗百草
之實察酸苦之味教民食五穀天下人民野居穴處未

有室屋則與禽獸同城於是黃帝乃伐木植材築作宮
室上棟下宇以避風雨民知室居食穀而未知功力於
是后稷乃列封疆畫畔畷以分土地之所宜開土殖穀
以用養民種桑麻致絲枲以蔽形體當斯之時四瀆木
道洪水為害禹乃決江疏河通之四瀆致之於海大小
相引高下相受百川順流各歸其所然後人民得去高
險處平土川谷交錯風化未通九州絕隔未有舟車之
用以濟深致遠於是奚仲乃挽曲為輪因直為輹駕馬
服牛浮舟杖楫以代人力鍊金鑄木分苞煖殖以備器
械於是民知輕重好利惡難適勞就逸於是臯陶乃立

獄制罪惡賞設罰異是非明好惡檢奸邪消佚亂民知畏法而無禮義於是中聖乃設辟雍庠序之教以正上下之儀明父子之禮君臣之義使羸不凌弱衆不暴寡并貪鄙之心興清潔之行禮義不行綱紀不立後世衰廢於是後聖乃定五經明六藝永天統地窮事容微原情立本以緒人倫宗諸天地字脩篇章書諸來世被諸鳥獸以巨茲亂天人合策原道悉備智者達其心百工窮其巧乃調之以箏絲絲竹之音設箏鼓歌舞之樂以節奔侈正風俗通文雅後世淫邪增之以鄭衛之音民弃本趨末伎巧橫出用意各殊則加雕文刻鏤傳致膠

漆丹青玄黃琦瑋之色以窮耳目之好極工匠之巧夫驅騾駱駝犀象璫瑁琥珀珊瑚翠羽珠玉山生水截擇地而居潔清明朗潤澤而瀟灑而不滯湜而不滯天氣所生神靈所治幽閒清淨與神淨冥冥之効力爲用盡情爲器故曰聖人成之所以能統物通變治情性顯仁義也夫人者實博浩大恢廓宏微附遠寧近懷來萬邦故聖人懷仁仗義分明纖微付度天地危而不傾佚而不亂者仁義之所治也行之於親近而昧遠悞俗之於閭門之內而名譽馳於外故仁無隱而不著無幽而不彰者虛舜養老於父母光耀於天地伯夷叔齊餓於首

陽功美垂于萬代大公自有衣昇三公之位累世享千
乘之爵知伯仗威任力蕪三晉而亡是以君子握道而
治據德而行席仁而立杖義而帶虛無寂寞通動無量
故制事因短而動益長以剛制規以卑立方聖人王世
賢者建功湯東伊尹周任呂望行合天地德配陰陽承
天誅惡剋暴除殃將氣奪物明以設先耳聽八極目視
四方忠進說退直立邪亡道行幾正不得兩張其本理
杜漸消萌大謀事不並仁義者後必敗頌不固本而立
高基者後必崩故聖人防亂以經義立正曲以準繩德
盛者感廣力盛者驕衆齊桓公尚德以霸秦二世尚刑

而亡故虐行則怨積德布則功興百姓以德附骨肉以
仁親夫婦以義合朋友以義信君臣以義序百官以義
承曾閔以仁成大孝伯姬以義建貞守國者以仁堅
固佐君者以義不傾君以仁治臣以義平鄉黨以仁恂
恂朝廷以義便便美女以貞顯其行烈士以義彰其名
陽氣以仁生陰節以義降鹿鳴以仁求其辭關雎以義
鳴其雄春秋以仁義貶絕詩以仁義存亡乳坤以仁和
合八卦以義相承書以仁叙九族君臣以義制忠禮以
仁盡節樂以禮升降仁者道之紀義者聖之學學之者
明失之者昏背之者亡陳力就列以義建功師旅行陣

德仁爲固仗義而置調氣養性仁者壽長美才次德義
者行方君子以義相棄小人以利相欺愚者以力相訛
賢者以義相治梁傳曰仁者以治親義者以利尊萬
世不亂仁義之所治也

術事第二

善言古者合之於今能術遠者考之於近故說者上
陳五帝之功而思之于身下列桀紂之敗而戒之于已
則德可以配日月行可以合神靈登高及遠遊幽淵不
聽之無聲視之無形世人莫觀其兆莫知其情校者
經之本末道德之真偽既察其意而不見其人世俗

自古而傳之者爲以今之作者爲輕淡於所見甘
於所聞感於所失於中情聖人貴寬而世人賤柔五
穀養性而棄之於地珠玉無用而寶之於身故舜禹黃
金於斬品之山禹捐珠玉於五湖之淵將以杜滯邪之
欲絕琦璋之情道近不必出於久遠取其至要而有成
春秋上不及五帝下不至三王逮齊桓晉文之小善魯
之十二公至今之爲政足以知成敗之効何必於三王
故古人之所行者亦與今世同立事者不離道德調絃
者不失宮商天道調四時人道治五常周公與堯舜合
符瑞二世與桀紂同禍殃文王生於東夷大禹出於西



卷世殊而地絕法合而度同故聖賢與道合愚者與禍
同懷德者應以福挾惡者報以凶德薄者位危去道者
身亡萬世不易法古今同紀綱故良馬非獨馭驥利劍
非惟干將美女非獨西施忠臣非獨呂望今有馬而無
王良之御有劍而無砥礪之功有女而無芳澤之飾有
士而不遵文王道術者積而不舒美玉韞匱而深藏故
懷道者須世抱璞者待工道為智者說馬為御者良實
為聖者用辯為智者通書為曉者傳書為見者明故門
事者因其則服藥者因其良書不必起仲尼之門
必出扁鵲之方合之者善可以為法因世而權行

藏於人則氣達於天纖微浩大下學上達事以類相從
聲以音相應道唱而德和仁立而義興王者行之於朝
死夫行之於田治木者求其本端影者正其形養其根
者則枝葉茂志氣調者即道冲故求遠者不可失於近
治影者不可忘其容上明而下清君聖而臣忠或圖遠
而失近或道塞而路窮季孫食顧更之地而變起於蕭
牆之內夫進取者不可不顧難謀事者不可不盡忠故
形立則德散佞用則忠亡詩云說爾心以蕃萬邦言
一心化天下而

字二 國治此之謂也

輔政第三

夫居高者自處不可以不安履危者任杖不可以不固
自處不安則墜任杖不固則仆是以聖人居高處上則
以仁義為巢乘危履傾則以賢聖為杖故高而不墜危
而不仆者堯以仁義為巢舜以禹稷契為杖故高而益
安動而益固然處高之安乘克讓之敬德配天地光被
四表功垂於無窮名傳於不朽蓋自處得其巢任杖得
其材也秦以刑罰為巢故有覆巢破卵之患以趙高李
斯為杖故有傾仆缺巽之禍何哉所任非也故杖聖者
帝杖賢者王杖仁者霸杖義者強杖讓者滅杖賊者亡
故懷剛者久而缺持柔者久而長躁疾者為厥速遲重

者為常存尚勇者為悔近溫厚者行寬舒僕促急者必
有所虧柔懦者制剛強小慧者不可以察大小辯者不
可以說衆商賈巧為賤營身之利而屈為貞良邪臣好為
詐偽自媚飾非而不能為公方藏其端巧述其事功故
智者之所短不如愚者之所長文公種米曾子駕羊相
士不熟信邪失方察察者有所不見恢恢者何所不容
朴質者近患便巧者近亡君子遠榮榮之色放錚錚之
聲絕恬美之味踈嗑嗑之情天道以大制小以重顛輕
以小治大亂度千貞護天似賢美言似信聽之者惑觀
之者冥故蘇秦尊於諸侯商鞅顯於西秦世無賢知之

君孰能別其形故竟放驩兜比干誅少正卯甘言之所
嘉靡不爲之傾惟堯知其實仲尼見其情故干聖王者
誅遭賢若者刑遭凡王者貴觸亂世者榮鄭僭亡齊而
驩兜齊有九合之名而魯有乾時之恥夫據千乘之國
而信邊佞之計未有不亡者也故詩云讒人罔極交亂
四國衆邪合黨以回人君邦危民亡不亦宜乎

無爲第四

夫道莫大於無爲行莫大於謹敬何以言之昔虞舜治
天下彈五絃之琴歌南風之詩寂若無治國之意漠若
無憂民之心然天下治周公制作禮樂郊天地望山川

師旅不設刑格法懸而四海之內奉供來臻越裳

重譯來朝故無爲也淵乃無爲也秦始皇帝設爲

之誅以歛姦邪築長城於戎境以備胡越征大吞小威

震天下將帥橫行以服外國蒙恬討亂於外李斯治法

於內事逾煩天下逾亂法逾滋而姦逾熾兵馬益設而

敵人逾多秦非不欲爲治然失之者乃舉措暴衆而用

刑太極故也是以君子尚寬舒以苞身行中和以統遠

民畏其威而從其化懷其德而歸其境美其治而不敢

違其政民不罰而畏罪不賞而歡悅漸漬於道德被服

於中和之所致也夫法令者所以誅惡非所以勸善故

魯國之孝與齊之廉豈畏死而為之哉教化之所致也
故曰堯舜之民可比屋而封桀紂之民可比屋而誅者
教化使然也故近河之地濕近山之土燥以類相及也
故山川出雲雨丘阜生_于氣四瀆東流百川無不從小
者從大少者從多夫王者之都南面之君臣姓之所取
法_二舉措動作不可失法則也昔者周襄王不能事
後母出居於鄭而下多叛其親秦始皇驕奢靡麗好作
高臺榭廣宮室則天下豪富制屋宅者莫不倣之設房
闥備廡庫繕雕琢刻畫之好博玄黃琦璵之色以亂國
度齊桓公好婦人之色妻姑姊妹而國中多淫於骨肉

平王者修縱恣不能制下檢民以德增_鳴百馬而行
欲令天下人饒財富利明不可及於是楚國_二奢君臣
無別故上之化下猶風之靡草也王者尚武於朝則農
夫繕甲於田故君之御下民者後者則應之以儉窮潘
者則統之以理未有上仁而下殘上義而下辱者也孔
子曰移風易俗豈家至之誠先之於身而已矣

辨惑第五

夫舉事者或為善而不稱善或不善而稱善者何視之
者謬而論之者誤也故行或合於世或順於耳斯乃阿
上之意從上之旨操直而乖方懷曲而合邪因其剛柔

之勢為作縱橫之術故無忤逆之言無不合之意者昔
秦公問於有若曰年飢用不足如之何有若對曰盍微
乎蓋損上而歸之於下則忤於耳而不合於意遂逆而
不用也此所謂正其行而不苟合於世也有若豈不知
阿衣公之意為益國之義哉夫君子直道而行知必為
辱而不避也故行不取苟合言不取苟容雖無功於世
而名足稱也雖言不用於國家而譽藉之言可法也故
行殊於世俗則身孤於士衆夫邪曲之相銜枉矯之相
借正直故不得容其間諂佞之相扶諛口之相報無言
而不可言無澤而不可往者何以驚眾衆多而辭語謹

公夫衆口之毀譽浮石沉木辯邪所擢以直為曲視之
不察以白為黑夫曲直之異形白黑之異色乃天下之
勿見也然自謬也或不能分明其是非者衆邪誤之矣
至如秦二世之時趙高駕鹿而從行王曰丞相何為駕
鹿高曰馬也王曰丞相誤也以鹿為馬高曰陛下以臣
言不然願問群臣臣半言鹿半言馬當此之時秦王不
能自信其目而從邪臣之說夫馬鹿之異形衆人所知
也然不能分別是非也况於闇昧之事乎易曰二人同
心其義斷金群黨合意以傾一君孰不移哉昔人有與
曾子同姓亦名參有人告其母參殺人母織如故有人

後來告如是者三曾子母乃投杆踰垣而去曾子之母
非不知子不殺人也言之者衆夫沈言之並至雖真聖
不敢自安况凡人乎魯定公之時與齊侯會於夾谷孔
子行相事兩君升壇兩相處下而相揖君臣之禮濟濟
備焉齊人鼓譟而起欲執魯公孔子歷階而上不盡一
等而立謂齊侯曰兩君合好以禮相率以樂相化臣聞
嘉樂不野合儀象之爲不下堂夷狄之民何求爲命司
馬請止之定公曰諾齊侯遂巡而避席曰寡人之過也
而自責大夫罷會齊人使優旃儻於魯公之膝下儻戲
欲跌魯君之隙以執定公孔子嘆曰君辱臣當死使司

行法斬焉首足異門而出於某齊人懼然而恐君臣

易操不安其故行乃歸魯四邑之侵地終無棄魯之心

闕字振動人懷嚮魯之意強國驕者莫不恐懼邪臣佞

人變行易慮天下之政字而折中而定公拘於三家

陷於眾口不能卒用孔子者內無獨見之明外亦和臣

之黨以弱其國而亡其身權歸於三家邑王單於靈壽

大用人若彼失人若此然定公不覺悟信季孫之計昔

貞臣之策以獲拘弱之名而喪丘山之功不亦惑乎故

邪臣之蔽賢猶浮雲之蔽日月也非得神靈之化麗雲

靈翳今歸山海然後乃得觀其光明暴天下之濡濕照



四方之晦冥今上無明王聖主下無真正諸侯誅鋤姦臣賊子之黨解釋凝滯紕繆之結然後忠良方直之人則得容於世而施於政故孔子遭君暗臣亂衆邪在位政道隔於三家仁義閉於公門故作公陵之歌傷無擇力於世大化絕而不通道德施而不用故曰無如之何者吾未如之何也已矣夫言道因權而立德因勢而行不在其位者則無以齊其政不操其柄者則無以制其剛詩云有斧有柯言何以治之也

慎微第六

夫建大功於天下者必先脩於閭門之內善大名於萬

世必先行之於纖微之事是以伊尹負鼎屈於有莘之野修蓬筍繫草屨之下躬執農夫之作意懷帝王之道身在衛門之裏志圖八極之表故釋負鼎之志爲天子之佐剋夏立商誅逆征暴除天下之患辟殘賊之類然後海內治百姓寧曾子孝於父母魯定哀省調寒溫適輕重勉之於糜粥之間行之於衽席之上而德美重於後世此二者修之於內著之於外行之於小顯之於大類回一簞食一瓢飲在陋巷之中人不堪其憂回也不改其樂禮以行之遜以出之夫力學而誦詩書凡人所能爲也若欲移江河動太山故人力所不能也如調




心在已背惡向善不貪於財不苟於利分財取寬服事
取勞此天下易知之道易行之事也豈有難哉若造父
之御馬羿之用弩則所謂難也君子不以其難爲之也
故不知以爲善也絕氣力尚德也夫目不能別黑白耳
不能別清濁口不能言善惡則所謂不能也故設道者
易見曉所以通凡人之心而達不能之行道者人之所
行也夫大道感之而行則無不能故謂之道孔子曰道
之不行也言人不能行之故謂顏淵曰用之則行舍之
則藏唯我眞嘗有是夫言顏淵道施於世而莫之用道
人不能懷仁行義分別纖微忖度天地乃苦身勞形入

深山求神仙弃二親捐骨肉絕五谷廢詩書背天地之
寶求不死之道非所以通世防非者也若湯武之君伊
呂之臣因天時而行割讓陰陽而運動上稽天文下察
人心以寡服衆以弱制強革車三百甲卒三千征敵破
衆以報大誓討逆亂之君絕煩濁之原天下和平家給
人足兀夫行仁商賈行信齊天地致鬼神河出圖洛出
書因是之道寄之天地之間豈非古之所謂得道者哉
夫播布華亂毛髮登高山食木實視之無優游之容聽
之無仁義之辭忽忽若狂痴推之不往引之不來當世
不蒙其功後代不見其才君傾而不扶國危而不持寂

冥而無隣寡而獨寤可謂避世非謂懷道者也故殺
身以避難則非計也懷道而避世則不忠也是以君子
居亂世則合道德採錄善絕纖惡脩父子之禮以反君
臣之序乃天地之通道人之所以不失也故隱之則爲
道布之則爲文詩在心爲志出口爲辭矯以雅辭砥
銳才雕琢文彩抑定孤疑通塞理順分別然否而情得
以利而性得以治綿綿漠漠以道制之空之無非道之
恢恢不見其行不覩其仁湛然未悟久之乃殊論思天
地動應樞機俯仰進退與道爲俱藏之於身優游待時
故道無廢而不興器無毀而不治孔子曰有至德要道
以順天下言德行而其下順之矣

資質第七

質美者以通爲貴才良者以顯爲能何以言之夫樞機
豫章天下之名木生於深山之申產於溪谷之傍立則
爲太山兼木之宗仆則爲萬世之用浮於山水之流出
於冥冥之野因江河之道而達於京師之下因於斧斤
之功舒其文彩之好精擇直理密繳轉通虫蝸不能穿
水濕不能傷在高系軟入地堅彈無膏澤而光潤生不
尅畫而文章成上爲帝王之御物下則賜公卿庶賤不
得以備器械閉絕以關梁及隘於山阪之阻隔於九峽



之隄仆於鬼崔之山頓於官冥之溪樹象籠蔓延而無
問石崔鬼斬岩而不開廣者無舟車之通狹者無步擔
之蹊商賈所不至工匠所不窺知者所不見見者所不
知功弃而德亡腐朽而枯傷聘於百仞之壑惕然而獨
僵當斯之時不如道傍之枯楊累累詰屈委曲不同然
生於大都之廣地近於大匠之名工則材器制斷規矩
度量堅者補朽短者續長大者治鑄小者治鑄飾以丹
漆教以明光上備大牢春秋禮庠象以文彩立禮矜莊
冠帶正容對酒行鴈卿士列位布陳宮堂望之者目眩
近之者鼻芳故事閉之則絕吹之則通抑之則沉興之

則揚廢地梗梓賤於枯揚德美非不相絕也才力非不
相懸也彼則槁枯而遠弃此則為宗廟之器者通真不
通亦如是也夫窮澤之民據犖鳴犢之士或懷不羈之
才身有堯舜禹臯之美網紀存乎身萬世之術藏於心
然身不用於世者

訣二

之通故也夫公卿之子弟貴戚

之黨友雖無過人之才然在尊重之位者輔助者強飾
之者巧靡不達也昔扁鵲居宋得罪於宋君出亡之衛
衛人有病將死者扁鵲至其家欲為治之病者之父謂
扁鵲曰吾子病甚焉將為迎良醫治非子所能治也退
而不用乃使靈巫求福請命對扁鵲而呪病者卒死靈



巫不能治也夫扁鵲天下之良醫而不能與靈巫爭用者知與不知也故事求遠而失近廢茲而狹并斯之謂也昔官之奇爲虞公畫計欲辭晉獻公璧馬之路而不假之夏陽之道豈非金石之計哉然虞公不聽者惑於珍怪之寶也鮑丘之德行非不高於李斯趙高也然伏隱於蒿廬之下而不錄於世利口之臣害之也凡人莫不知善之爲善惡之爲惡莫不知學問之有益於已急獻之無益於事也然而爲之者情欲放溢而人不能勝其志也人君莫不知求賢以自助近賢以自輔然賢聖或隱於田里而不預國家之事者乃觀聽之臣不明於

則閉塞之議歸於君閉塞之議歸於君則忠賢之士有於野忠賢之士有於野則佞諂之黨存於朝佞臣之黨存於朝則下不忠於君下不忠於君則上不明於下上不明於下是故天下所以傾覆也

至德第八

夫欲建國強威辟地服遠者必得之於民欲立功興譽番名流光顯榮華者必取之於身故據萬衆之國持百姓之命苞山澤之饒主士衆之力而功不在於身名不顯於世者乃統理之非也天地之性萬物之類稷道者衆歸之特刑者民畏之歸之則附其側畏之則去其域

故設刑者不厭輕爲德者不厭重行罰者不患薄布
者不患厚所以親近而致疎遠也夫刑重者則身勞事
衆者則心煩心煩者則刑罰縱橫而無所立身勞者則
百端廻邪而無所就足以君子之爲治也塊然若無事
寂然若無聲官府若無吏亭落若無民間里不訟於巷
老幼不愁於庭近者無所議遠者無所聽郵驛無夜行
之吏鄉閭無夜召之証犬不夜吠鳥不夜鳴老者息於
堂丁壯者耕耘於田在朝者忠於君在家者孝於親
是賞善罰惡而潤色之典辟雍庠序而教誨之然後
過異識廉鄙異科長幼異節上下有差強弱相扶小大

相懷尊卑相承鴈行相簡不言而信不怒而威

甲利兵深刑刻法朝夕切切而後行哉昔晉厲奔楚

蒙宋襄秉大國之權桀衆民之威軍師橫出陵轍諸侯

外騎敵國內剋百姓嚮國之雙結於外臣下之怨積於

內而欲建金石之功終傳不絕之世豈不難哉故宋襄

死於泓水之戰三君弑於臣子之手皆輕用師而尚威

力以至於斯故春秋重而書之嗟嘆而傷之是三君皆

強其威而失國急其刑而自賊斯乃去事之戒來事之

師也魯莊公一年之中以三時興築作之役規固山林

草澤之利與民爭田漁新菜之饒刻楛丹楹眩曜靡麗



收十二之稅不足以供回邪之欲繕不用之好以悅婦人之目財盡於驕淫人力罷於不急上困於用下飢於食乃遭戚孫展請糶於齊倉廩空賈外人知之於是爲宋陳衛所伐賢臣出叛臣亂子般殺而魯弒公子牙慶父之屬敗上下之序亂男女之別繼位者無所定逆亂者無所懼於是齊桓公遣大夫高子立倍公而誅夫人遂慶父而還季子然後社稷復存子孫反業豈不謂微弱者哉故爲威不強還自亡立法不明還自傷魯莊公之謂也故春秋穀

懷慶第九

慘異慮者不可以立計持兩端者不可以定威故治外者必調內平遠者必正近紀天下勞神八極者則憂不存於家養氣治性思通精神延壽命者則志不役於外據土子民治國治衆者不可以圖利治產業則教化不行而政令不從蘇秦張儀身尊於位名顯於世相六國事六君威振山東橫說諸侯國異辭人異意欲合弱而制彊持衝而御縱內無堅計身無定名功業不平中道而廢身死於凡人之手爲天下所笑者乃由辭語不一而情欲放佚故也故管仲相桓公誦節事君專心一意身無境外之交心無敬斜之慮正其國而制天下尊



其君而屈諸侯權行於海內化流於諸夏失道者誅柔
義者顯舉一事而天下從出一故而諸侯靡故聖人執
一政以繩百姓持一槩以率萬民所以同一治而明一
統也故天一以大成數人一以成成倫楚靈王居千里
之地享百邑之國不先仁義而尚道德懷奇伎魏四字
陰陽合物恠作乾谿之臺立百仞之高欲登浮雲窺
天文然魏三字於弁魏三字魯莊公據中土之地承聖人
之後不脩周公之業繼先人之體尚權杖威有萬人之
力懷兼人之強不能存立了糾國侵地奪以洙泗為境
夫世人不學詩書行仁義魏三字聖人之道極經藝之深乃

論不驗之語學不然之學圖天地之形說災變之異乖
先王之法具聖人之意惑學者之心移衆人之志指天
畫地是非世事動人以邪變驚人以奇怪聽之者若神
視之者如真然猶不可以濟於厄而度其身或觸罪字
法不免於辜職故事不生於法度道不本於天地可言
而不可行也可聽而不可傳也字說而不可大用也
故物之所可非道之所宜道之所宜非物之所可是以
制事者不可字設道者不可通目以精明耳以主聽口
以別味鼻以聞芳手以之持足以之行各受一性不得
兩兼兼則心惑二路者行窮正心一堅久而不忘在上

不爲爲下不傷訖一統物雖寡必衆心佚情散雖高必崩氣雖生疾壽命不長顛倒無端大道不行故氣感之符清潔明光情素之表恬暢和良調密者固安靜者祥志定心平血脉乃強乘政國字雙兩失其中方戰士不耕朝士不商邪不好直圓不亂方違戾相錯撥刺難臣故欲理之君閉利門積德之家必無災殃利絕而道著武讓而德興斯乃持久之道常行之法也

本行第十

無以道德爲上行以仁義爲本故尊於位而無德者黜富於財而無義者刑賤而好德者尊貧而有義者貴段

千木徒步之士脩道行德魏文侯過其間而軼之夫子陳蔡之厄夏飯菜羹不足以接餒二三子布弊襦袍不足以避寒饑飽厄自處其矣然而夫子當於道二三子近於義自有衣之士字雙天子下齊庶民而累其身而匡上也及閔周室之衰微禮義之不行也厄控頰仆歷說諸侯欲匡帝王之道及天下之攻身無其位而世無其主周流天下無所合意大道隱而不舒羽翼摧而不申自字雙深授其化以厚終始追治去事以正來

世案紀圖錄以知性命長定六藝以字雙善惡不相干貴賤不相侮強弱不相凌賢與不肖不得相踰科第

相序爲萬三字而不絕功傳而不衰詩書禮樂爲得其所乃天道之所立大義之所行也豈以三字威耶夫人之好色非脂粉所能飾大怒之威非氣力所能行也聖人秉天威合天氣承天功象天容而不與爲功豈不難哉夫酒池可以泛舟糟丘可以望遠豈貪於財哉統四海之權主九州之衆豈弱於力哉然功不能自存威不能自守非爲貧弱乃道德不存乎身仁義不加於天下也故察於財而昏於道者衆之所謀也果於力而寡於義者兵之所圖也故君子篤於義而薄於利敏於事而慎於言所三字功德也故曰不義而富且貴於

我如浮雲天身帶璧玉庸環佩服府藏珍四字

舍鉅刻錢可以夸小人非所以厚於已而濟於事也高

臺百仞金四字簾帷師所以疲百姓之力非所以

扶弱存亡者也故聖人卑宮室而高道德二字服而謹

仁義不損其行以增其容不虧其德以飾其身國不興

無事之功家不藏無用之器所以補力役而省貢獻也

璧玉珠璣不御於上則亂好之物存於下雕刻錯蓋不

納於君則淫侈曲巧絕於民夫釋農桑之事入山海採

珠璣求瑤琨探沙谷捕翡翠字瑋瑁搏犀象消勳力散

布帛以極耳目之好以快淫邪之心豈不謬哉未見先



道而後利近德而遠色者也

明誠第十一

君字於政可以及遠以萬於信可以致大何以言之湯

以七十里之封而升帝王之位周公以缺四字比德

於五帝斯乃口出善言身行善道之所致也安危之効

吉凶之徵一出於身字二之道成敗之驗一起於行堯

舜不易日月而輿祭紂不易星辰而亡天道不改而人

道易也夫持天地之政操四海之綱字三不可以失度

動作不可以離道謬誤出於口則亂及萬里之外况刑

及無罪於獄而殺及無辜於市乎故世棄道亡非天之

為也乃國君者有所取之也惡政生於惡氣惡氣生

於災異蝮虫之類隨氣而生虹蜺之禍因政而見治道

失於下則天文度於上惡政流於民則重災生於地賢

君智辟知隨變而改緣類而試思之於缺三字變聖人

之理恩及昆虫澤及草木乘天氣而生隨寒暑而動者

莫不延頸而望治傾耳而聽化聖人察物無所遺失上

及日月星辰下至鳥獸草木昆虫字三六鶴之退飛治

五石之所墮所以不失纖微至於鶴鶴未久多麋言鳥

獸之類缺三字也十有二月李梅實十月頰霜不羔菽

言寒暑之氣失其節也鳥獸草木尚欲各得其所綱之



以法紀之以數而況於人乎聖人承天之明正日月之行錄星辰之度因天地之利等高下之宜設山川之使平四海分九州同好惡一風俗易曰天爵象見古凶聖人則之天出善道聖人得之言御古圖曆之變下災風化之失以臣棄盛紀物定世後無不可行之政無不可治之民故曰則天之明因地之利觀天之化推演萬事之類散見於彌漫之間調之以寒暑之節養之以四時之氣同之以風雨之化故絕國異俗莫不知三字則歌辰則哭蓋聖人之教所加一也夫善道行於身三字遠而不至惡行著於身無遠而不去周公躬行禮義郊

后稷越裳來貢重譯而籛麟鳳草木綠化而應殿封三字微子弃骨肉而亡行善則鳥獸悅行惡則臣子恐是以明者可以致遠鄙者可以三字近故春秋書儲侯之弟鱣出奔晉言鱣絕骨肉之親弃大夫之位越先人之境附他人之域窮涉寒飢織屨而食不明之効也

思務第十二

夫長於變者不可窮以詐通於道者不可驚以恠審於辭者不可惑以言達於義者不可動以利是以君子廣思而博聽遠退循法動作合度聞見欲衆而采擇欲詳學問欲四字欲教見邪乃知其直觀花乃知其實



目不淫炫耀之色耳不亂阿阿之聲是故語之以置是

之富而志不回諉之以喬松之壽而行不易然後能一

其道而定其操六字

功凡人則不然目放於

富貴之榮耳亂於不死之道故多弃其所長而求其所

短得其所亡而失其所有是以吳王夫差知慶父陵之

可勝而不悟勾踐將以破凶也故謝謝或見一利而喪

萬機求一福而致萬禍夫君子通於通化者也

大地之開闢二之弛張性命之短長三所

賤之所亡則手足不勞而耳目不亂四處五不六計七

謀上訣是非於天文其次定狐疑於世務八處九

後有所守故道五字

五字

事可法也昔舜禹因盛

而治世孔子承衰而作功聖人不空出賢者不生故

六字而歸於善斯乃天地之法而制其事則世

六字

好者

之便而設其義故聖人不必同道六字

不必同色而皆美七者不必同狀而皆惡天地之數斯

命之象也日八字

八宿並列各有所主

萬端異路千法異形聖人因其勢而調之使小大不得

相踰方圓不得相干分之以度紀之以節星不晝見日

不夜照雷不冬發霜不夏降臣不凌君則陰不侵陽盛

夏不暑隆冬不霜黑氣苞日暈星揚光虹蜺冬見蜃重

夏藏焚惑亂宿數星失行聖人因天變而正其失理其
端而正其本堯承蚩尤之失而思欽三字君子見惡
於外則知變於內桀紂不恭則湯武不仁才惑於衆非
者而改之於缺七字

亂之於朝廷而臣夫治

之於閭門是以接輿老萊所以避世於窮缺五字
而遠其尊也君子行之於幽閒小人厲之於士衆老子

曰上德不德缺六字

虛也夫口誦聖人之言

學賢者之行久而不弊勞而不廢雖未為君缺

舞放鄭聲遠佞人缺三字道而行之於世雖非缺

石則亦堯舜也今之為君者則不然治不法乎堯舜而

曰今之世不可以道德治也為君者不師稷契周公之

政則曰今之民不可以禮義化也為子者不執曾閔之

賢朝夕不休盡節不倦則曰家人不教也學者無缺四

晝夜不懈循禮而動則曰世所不行也自人君至

士庶人未有法聖人缺五字為善者寡為惡者眾


易曰豐其屋鄗其家闕其戶聞其無人缺三字治之耳

故仁者在位而仁人來義士在朝而義士至是以墨子

之門多缺二聖賢之門多道德文武之朝多賢良秦王

之庭多不祥故善者必有所因而至惡者必有所因而







RESERVE NATIONAL CENTRAL LIBRARY, TAIPEI, TAIWAN


來
望
出禍福不妄作唯心之所向志之所行而





RES/31002 NATIONAL CENTRAL LIBRARY, TAIWAN, R.O.C.





2025.07.08 NATIONAL CENTRAL LIBRARY, TAIWAN, R.O.C



國立中央圖書館臺灣分館

